



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad
Annum 1752 - Cum Supplemento ad Ann. 1742. 1745. 1746. & 1748

Luxemburgi, 1754

LIV. Beatificatio B. Joannæ Franciscæ Fremior de Chantal Ordinis
Monialium a Visitatione Sanctæ Mariæ nuncupatarum Fundatricis. 13.
Novemb.

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

§. 9. Non obstantibus prædictis Sancti Pii Papæ V., aliisque Romanorum Pontificum Prædecessorum nostrorum in eorundem confirmationem, etiam in forma specifica, editis Litteris, nostraque & Cancellariæ Apostolicæ Regula de non tollendo jure quæsito, aliisque Apostolicis, seu in Universalibus, Provincialibus, aut Synodalibus Conciliis editis generalibus aut specialibus Constitutionibus & Ordinationibus; necnon quarumcumque Ecclesiarum, seu Ordinum, Congregationum, & Institutuum, etiam specialiter exprimendorum; quantumvis juramento, confirmatione Apostolica, vel quavis alia firmitate roboratis, statutis & consuetudinibus, etiam immemorabilibus; Privilegiis quoque, exemptionibus, & Indultis, etiam in corpore juris clausis, aut sub quibusvis formis, & verborum tenoribus, seu clausulis, & decretis, etiam derogatoriarum derogatoriis, & irritantibus in genere vel in specie, etiam motu proprio, & de Apostolicæ potestatis plenitudine, seu consistorialiter, aut ad Regum aliorumque supremorum Principum instantiam, vel peculiarium quorumcumque meritum intuitu, aliove titulo, etiam oneroso, quibuscumque Personis, Collegiis, Locis, Ordinibus, etiam Militaribus, Congregationibus, Societatibus, & Institutis, etiam Societatis JESU, vel Sancti Joannis Hierosolymitani, aliive quibuslibet, in contrarium præmissorum concessis, ac pluries confirmatis, approbatis, & innovatis; Quibus omnibus & singulis, eorum tenores, formas, causas, & occasiones præsentibus pro expressis, insertis, ac specificatis habentes, pari motu, & Apostolicæ auctoritatis plenitudine, ad præmissorum effectum, plenissimè derogamus, eaque respectivè, quatenus præsentibus adversantur, de medio tollimus & abolemus per præsentem. Quarum transumptis, seu exemplis etiam impressis, manu Notarii publici subscriptis, & sigillo Personæ in Ecclesiastica Dignitate constitutæ munitis, eandem fidem ubique Locorum & gentium in Judicio & extra haberi volumus, quæ ipsis præsentibus haberetur, si originaliter exhiberentur.

§. 10. Nulli ergo omninò hominum liceat paginam hanc nostræ permissionis, concessionis, facultatum impertitionis, declarationis, innovationis, admonitionis, derogationum, decretorum, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quinquagesimo primo, sexto Idus Novembris, Pontificatus Nostri Anno Duodecimo.

D. Card. Passioneus.

J. Datarius.

VISA De Curia

J. C. Boschi.

Loco ✕ Plumbi.

J. B. Eugenius.

Registrata in Secretaria Brevium.

Beatificatio B. JOANNÆ FRANCISCÆ FREMIOT DE CHANTAL Ordinis Monialium a Visitatione Sanctæ Mariæ nuncupatarum Fundatricis.

BENEDICTUS PAPA XIV.

Ad perpetuam rei memoriam.

CUM sexto decimo salutis nostræ turbulentissimo seculo tot per universam Europam, tamque nefaria hæresum monstra longè, latèque omni impetu irruerent, & grassarentur; merentis Ecclesiæ lacrymas, & opprobrium Populi sui ut Pater misericordiarum abstergeret, fecit in bona voluntate sua, ut, cum abundaverit delictum, superabundaret & gratia. Per illa enim tempora, dum omnia maximis errorum, seditionum, & discordiarum fluctibus, & procellis jactabantur; ne contra summum angularem lapidem Portæ inferi prævalerent, in brachio extento suscitavit quamplurimos Electorum suorum, qui eximii, clarissimisque virtutibus Orbi Terræ illucescerent, & per illustria veteris disciplinæ exempla, in quibus Christianæ legis partes omnes exprimerentur, nova Sanctitatis germina procrearent, quorum ope, & auctoritate, Fidelium pietate aucta, & Perduellium conatibus fractis atque compressis, inclinatis Ecclesiæ rebus opportunum adhiberetur auxilium, Sponsæque suæ acerbissimi luctus tanto in discrimine allevarentur.

§. 1. Beneficentissimæ hujus Providentiæ præcipuum specimen, etiam in sexu fragili Pater Omnipotens, qui infirma mundi eligit, ut fortia quæque confundat, ostendere dignatus est, dum in Famulam suam JOANNAM FRANCISCAM FREMIOT DE CHANTAL divitiis bonitatis & gratiæ suæ uberrimè effudit. Hæc enim nobilissimis orta Parentibus, ea potissimum tempestate in lucem prodiit, illeque in locis prope versata est, in quibus transugarum finitimorum immanis rabies & furens audacia in Catholicam Fidem magis efferata videbatur; nihilominus JOANNA FRANCISCA a Deo sibi in hereditatem electa, benedictionibus dulcedinis præventa, & luminosissima charitate efficaciter ditata, vel a primis temporibus contra Mundi, & Diaboli nequitias nomen Domini exaltavit, & per omnes ætates, variasque vitæ vicissitudines, adeo crevit in gratia & scientia Dei, ut Sanctus Franciscus Salesius spirituum probatione longè clarissimus pronuciare non dubitaverit, eò sanctitatis & virtutis processisse Ancillam CHRISTI, ut pro ratione & modo gratiarum, quibus a Deo erat locupletata, nemini unquam assurgere altius liceret. Et sanè, quæ tum in virginitate, tum Viro conjuncta, egregia summæ perfectionis indicia præbuerat, in solitudine demum, ac viduitate posita, tanta spiritus alacritate arctissimum sanctitatis iter arripuit, & in via mandatorum cucurrit, ut præ cæteris Divinis Charismatibus, arduum illud emisisset Votum, semper faciendi quicquid perfectius, Deoque gratius & acceptius fore intelligeret.

§. 2. Hinc novas in corde suo ascensiones disponens, eodem Sancto Francisco Salesio optimo duce & auctore, novum instituit Sanctimonialium Ordinem a Visitatione Sanctæ Mariæ nuncupatarum, quas altè jactis omnium virtutum fundamentis, Castitatis, & Fidei hostibus impudentissimis, velut aciem ordinatam in conspectu inimicorum fortiter opposuit; ut, dum illi summa vi, impetuque contenderent,

Dei Providentia corruptis seculi moribus eximiam plurimum electorum suorum sanctitatem cõponit.

BRATA
JOANNA
FRANCISCA
virtutes præfulgent.

Ordo Monialium Visitationis S. Mariæ ab ea instituitur.

Exemplorum Fides.

Sanctio.

Dat. die s.
Novemb.
1751.

S. Francisci
Salesii disci-
plinæ con-
stanter ad-
hæret.

Ejus Cause
series innui-
tur.

Beate no-
men & ho-
nores eidem
deferri, con-
ceditur.

Beatificatio-
nis solemnitas.

quo Religiosum Christiani cœlibatu propo-
situm funditus everterent, & penitentia saluber-
rimas leges penitus abrogarent, nova integri-
tatis & innocentia prole, Deo affante & in-
crementum præbente, Ecclesiam fecundaret.

§. 3. Quapropter præstantissimæ huic Vi-
duæ satis convenire arbitrandum est, quod de
Sanctis Olympiade, & Paula veterum sacra-
rum rerum litteris tradita monumenta restan-
tur. Quemadmodum enim Chrysofomo, &
Hieronymo, sapientissimis & Sanctissimis Vi-
ris, nobilissimæ hujusmodi Fœminæ ad Fidei
præsidium, & pietatis fructum & æmulationem
instituendæ adhæserunt; sic Sancto Francisco
Salesio augendæ & confirmandæ Religionis stu-
diosissimo, JOANNA FRANCISCA precibus,
vigiliis, & laboribus præsto fuit. Quidquid
enim longo studio, & diuturna meditatione
in Dei cultum, & Proximorum salutem com-
plecti poterat, hoc illa libavit, didicit, ar-
que perfecit. Facta igitur spectaculum Mun-
do, Angelis, & Hominibus, quæ, dum vi-
veret, magnum sibi nomen comparaverat,
postquam cessit à vita, singularem Sanctitatis
famam undequaque est consecuta, univèrsique
hominum cœtus, qui Sancti Francisci Salesii
doctrinam admirabantur, probatissimam hanc
Vidua benedicentes benedicebant.

§. 4. Verum, cum inani quorundam opi-
nionem, diutius quàm par erat, ordinarii pro-
cessus dilati essent, hinc quamplurimæ difficul-
tates subortæ sunt, quæ Famulæ Dei Beatifi-
cationi maximè obstabant, quæque ipsius causam
per plures annos sunt remorata, ut in no-
stro Decreto, quod die XXI. Augusti proximè
elapsi emisimus, latius apparet; nihilominus
Divina tandem ope, quæ contra faciebant,
accuratissimè enodatis, Famulæ Dei Virtutes in
gradu heroico, & quatuor Miracula a Deo
ipsius intercessione edita, in Sacrorum Rituum
Congregatione pluries proposita, tum Cardi-
nalem, tum Consultorum Suffragiis approbata
fuerunt.

§. 5. Nos itaque, communibus, & pecu-
liaribus Christianorum Principum, Episcoporum,
Capitulorum, Civitatum, ac Sanctimonialium a
Visitatione Beate Mariæ nuncupatarum
precibus & votis annuentes, necnon de
memoratorum Cardinalium consilio & assensu,
auctoritate Apostolica, tenore præsentium in-
dulgemus, ut eadem Serva Dei JOANNA
FRANCISCA FREMIOT DE CHANTAL im-
posterum BEATÆ nomine nuncupetur, ejusque
Corpus, & Reliquiæ venerationi Fidelium (non
tamen in Processionibus circumferendæ) expo-
nantur; Imagines quoque radiis, seu splendo-
ribus exornentur, ac de ea sub ritu Duplici re-
citetur Officium, & Missa celebretur nec Vir-
ginis, nec Martyris singulis annis, juxta Ru-
bricas Breviarium, & Missalis Romani die vige-
sima prima Augusti. Porro recitationem Offi-
cii, ac Missæ celebrationem hujusmodi fieri
concedimus in locis tantum infra scriptis, in
Civitate Divione, in qua dicta Serva Dei or-
tum habuit, ac in Oppido Molinis, in quo
efflavit Animam, necnon in Oppido Anecii, in
quo ejus Corpus humatum remansit, ac in sin-
gulis Monasteriis Monialium dicti Ordinis; &
quantum ad Missas attinet, etiam a Sacerdoti-
bus confluentibus. Præterea primo dumtaxat
anno, a datis hisce Litteris inchoando; in Ec-
clesiis Locorum, ac Monasteriorum prædicto-
rum solemnitas Beatificationis ejusdem, cum Of-
ficio, & Missa sub ritu Duplici Majori, die ab
Ordinariis constituta, postquam tamen in Basili-
ca Principis Apostolorum de Urbe celebrata fue-
rint ejusmodi solemnitas, pro qua re diem XXI.
mensis Novembris currentis assignamus, pariter
celebrandi facimus potestatem. Non obstanti-

bus Constitutionibus, & Ordinationibus Apo-
stolicis, ac Decretis de, & super non cultu
editis, cæterisque contrariis quibuscumque.

§. 6. Volumus autem, ut ipsarum præsen-
tium Litterarum transumptis, seu exemplis,
etiam impressis, manu Secretarii supradictæ
Congregationis Cardinalium subscriptis, & si-
gillo Præfecti, seu Pro-Præfecti ejusdem Con-
gregationis munitis, eadem prorsus fides ab
omnibus, & ubique, tam in judicio, quàm ex-
tra illud habeatur, quæ ipsis præsentibus habe-
retur, si forent exhibitæ, vel ostensæ.

Datum Romæ apud Sanctam Mariam Majori
sub Annulo Piscatoris die XIII. Novembris
MDCCLII. Pontificatus Nostri Anno Duode-
cimo.

D. Card. Passioneus.

Congregationi Fabricæ Basilicæ Principis Apo-
stolorum de Urbe novus Cardinalis Præ-
fectus deputatur, & Congregatio Particularis
super rebus æconomicis ejusdem Fabricæ
instituitur.

BENEDICTUS EPISCOPUS,

Servus Servorum Dei. Ad futuram rei
memoriam.

Q UANTA curarum & expensarum mole Præ-
decessores nostri Romani Pontifices, alii
quidem ad readificandam B. Petri Basilicam,
alii verò ad eam perficiendam atque ornandam,
alii demum ad eandem conservandam
opportunèque restaurandam incubuerint, uni-
versus novit Terrarum Orbis, quem hujusce an-
gusti & pulcherrimi templi, ac religiosæ eo-
rundem Pontificum magnificentia fama perva-
sit. Ad quæ omnia in Dei honorem, ac Beatissi-
mi Apostolorum Principis venerationem agen-
da, ac perficienda, necesse ipsis fuit, tam pro
exactione reddituum ac proventuum in opus
Fabricæ ejusdem Basilicæ assignatorum, quàm
pro fidei ac provida eorundem erogatione in
ipsum opus, ad quod unice destinati sunt,
pari diligentia ac studio advigilare. Et Nos
quidem hoc toto Pontificatus nostri decursu
minimè passi sumus nostram in his operam stu-
diumque desiderari; probè noscentes, hujus-
modi onus non solum cum Romani Pontificis
munere, quod pro virium nostrarum modulo
gerimus, conjunctum esse, verum etiam ad
Nosmetipsos peculiari ratione pertinere, qui,
quum olim in eadem Vaticana Basilica Cano-
nicatum & Præbendam per annos XIV. obti-
nuerimus, ad Nos transferre postumus verba
illa, quæ magnus quondam prædecessor noster
Innocentius Papa III. de se scripsit, videlicet:
*Inter cæteras Ecclesias per universum Orbem dis-
fusas, Basilicam Principis Apostolorum, utpote
Sedem Nostram, specialius diligere ac honorare
tenemur; sicut qui olim in ipsa Canonici Benefi-
cium assecuti, nunc de filio in patrem ejus, Di-
vina sumus miseratione, promoti.*

§. 1. Sanè quum rec. mem. prædecessor
noster Julius Papa II. ingens hoc opus Vatica-
ni Templi readificandi magno animo concep-
tum vix aggredi poterit, ejusque successoribus
Leoni X., & Hadriano VI., ob tempo-
rum difficultates, parum adjumenti licuerit ad id
conferre; satis constat, Pontifici Clementi VII.
datum fuisse, ut & primus omnium inceptum
opus magnopere promoveret, & quæ ad ipsam

Fabricæ

Fides habet
da Transum-
pis.

Da. die 13.
Nov. 1751.

LV.

Procurator
ex cura Pon-
tificum in
extremis &
conservanda
Vaticana Ba-
silica.

Pontifex si-
mile studium
prosequutus
est.

Clemens
VIII., qui
Basilicæ Fa-
bricam mag-
nopere pro-
movit, Col-
legium LX.
viorum ju-
per eadem
Fabrica insti-
tuit.